

LAIANGTHOU BULPHUH

Khrist itna in a honsawl teitei ahi; hichi'n ka ngaihtuah uhi: mi tengteng sihsik in mi khat a si a, huaiziak in mi tengteng a si uhi.

2 KORINTHTE 5:14

THUMNA MAKAI

- ☐ Tuni Nipini/ Missionary hun hoih hon musak a, Amah be dia hon pikhawm Toupa min i phat ahi.
- ☐ Tukum Missionary day tanpha honpi Toupa min phat in, Saptuam in thathak la a, Missionary day ahihtoh kiton a mission nasepna ah kal sauzaw hon suan theihna ding in thumni.
- ☐ Tu khathak honpi galkai Toupa kiang ah kipathu gen in, tukha sung a programme gelte manpha tak a zat ahihtheihna ding in thumni.
- ☐ Nute'ni leh TBDF Silver Jubilee zat dia lemgele thumna ah laan in, thugentu ding Rev. Paukhanmang Guite leng thumpihni.
- ☐ Damlou a omlote leh a kemtute Pathian in damna leh thathak a piak nading in thumna ah phawk zel ni.
- ☐ Nipini nawn biakna hunseh kigelte manphatak a i zat theihna ding in Toupa khut hat ah kemsak ni.

Editorial

KHRIST' ITNA IN A PHUTLUIH MITE

Khrist' itna in tua bang ding in hon phuutluh hi [2 Korinte:5:14].

Khrist itna bang omlou!

Khrist itna thupidan ki genseng ngeilou ding hi. Lei leh van zomtu, Pathian leh mihing kilemsaktu itna ahi. Amasapen in, Khrist itna in Amah ngei tatna nasem ding in phutluh hi. Bangchidan in? A itna in Vanmang tutphah nawsesak a, lei munniampen ah mikhialte' hinna ding in tatna nna hong semsak hi. Hiai tuh Pathian leh Tapa Jesu Khrist itna nasep ahi (Jn. 3:16).

Itna diktak in angsungkhualou, lungduai, migi, hazalou, kisatheilou, bangteng hu gige, bangteng thuak mualsuah ahi, chi a Korin laikhak a i sim tuh i Toupa itna ahi (I Kor. 13:1-12). A it mahmah mite adia man piak ding om zahzah pia a, hinna dong luikhe-ngam itna ahi (Phil. 2:1-11). Huaiziak in, Khrist itna nasep in, Pathian toh hon kilemsak a, Amah ta hon suah hi. Khrist itna nasep zia mah in, eite nasan in tangthupha na zakha in, khalam leh salam ah hiai bang dinmun ah hon domsang hi. Laphuaktu'n "i Toupa' itna bang itna dang a omlou e" a chih tuh a dik mahmah hi.

Khrist' Itna'n a phutluh Sawltak Paul: Hiai bang a thupi Khrist itna in Sawltak Paul leng khoihkha in, a hinna kilumlet hi. Nidang a saptuamte mudah a sawitu himahleh, tu in, saptuamte itna in dim a, saptuam ading a bangkim thuak a

aban pek 3-na ah...

MAY KHA THUPI

Nu hihna a Pathian pomtak Biak Piakna

BIAKNA KIKHOP - PATHIANNI TENG

Conselling Hours: 9:30AM - 10:30 AM
Zinglam dak 11:00 AM | Sunnung dak 2:00 PM

MISSIONARY DAY 2019 PROGRAMME

[5 May 2019]

11:00 AM : ZINGLAM BIAKNA HUN

- ❖ Biakna & Phatna : Worship Team
- ❖ Thilpiak (Lantu) : Upa H Kam Suanthang
- ❖ Missionary Day thu : Vice Chairman, TBMC
- ❖ Lapawl : TBDF & Papi Lapawl
- ❖ Thugenna : Pastor Thuamminlian Guite
- ❖ Phatkhawmna : Worship Team
- ❖ Hunkhakna & vualzawlna : Upa Thangkhosiam Tonsing

Tea Fellowship

2:00 PM : SUNNUNG BIAKNA HUN

- ❖ Biakna & Phatna : Worship Team
- ❖ Thilpiak (Lantu) : Upa H Zabiak
- ❖ Missionary Day thu : Chairman, TBMC
- ❖ Lapawl : BYF
- ❖ Thugenna : Pastor Thuamminlian Guite
- ❖ Hunkhakna & vualzawlna : Upa G Damsawmthang

Tea Fellowship

BCD DEVOTION PROGRAMME

[5 May 2019]

PATHIAN' POMTAK BIAKNA

Rome-te 12.1

BCD Hall @ 11:00 hrs


- ❖ Piitu : Htp Sonlal
- ❖ Bible sima thumna : Niangngaihsang, Inter
- ❖ Phatkhawmna : Lapite makaih in
- ❖ Thugenna & Khathak Thumsakna : Pastor H Biakson
- ❖ Thilpiak latna & Toupa thumna : Htn Mankhanning

Pawl kikhenna om ding


BCD Music Club Lasinna om ding

MAY 2019 KHASUNG USHER DIINGTE:

Htn. Sonkim leh Htn Biakching



1
Watkin Robert Roberts
Planner Missionary



2




1. WATKIN R ROBERTS
2. PU THANGVANG



3. SENVON KHUA
4. PHAITONG KHUA



3



4

TOUPA NA SEM NI

Robert Suanlian, Member, TBMC

Toupa Jesu'n Pathian Lalgam a genteh na ah haichi tang lak a neupen, ankam chi tang (mustard seed) zang in gen hi (Mt. 13:31-32). Tuabang deuh in, i Gam (adiak in, Southern Manipur) a Tanchin Hoih (Gospel) honglut pen thil neukha a kipan na hi hi. Pathian nasep ziak a, Welsh missonari Watkin R. Roberts (1886-1969) a'pan thil hong piang a na hi hi.

Watkin R. Roberts tuh 21 September, 1886 in khoneu chik khat Caernarvon, Wales (U.K.) ah piang hi. Slate mining a kiloh a sem ahi a, a naupan lai apan laisim lunglut gige mi ahi. Naupang kha ahih lai in, Reuben A. Torrey sermon sim na a'pan Jesu Kris a Hotdamna kitheih chianna mu hi ('The Legacy of Watkin R. Roberts', 2009, Shillong, p4, by Jonathan Pudaite).

1904-05 sung in Wales gam ah Kha Khanlohna (spiritual revival) nasatak tung hi. Huai in Roberts lungtang nakpi in khoih hi. Welsh Calvinistic Methodists' Foreign Mission Society (WCMFMS) a mission nasem dia lak thak, Dr. Peter Frasers leh a zi Catherine Frasers ten Aizawl a medical clinic a panpih ding in zawn uhi.

Roberts in WCMFMS a'pan panpihna (sponsorship) ngen a, himahleh, lohsam hi. Chawmtu nei kei mahleh, Sapna (calling) a muh taisan theilou ka hi, chi in Roberts in Dr. Frasers te nupa hon zui in Aizawl 14 October, 1908 in hong tung hi ('How Christianity Came to Manipur' by Prof. Laldena, Gospel Centenary (1910-2010) Souvenir, 2010, Sielmat, p2, published by ICI Gen. Headquarters). Hiai ah, "Dr. Frasers in damloute enin, kemin, damdawite pia hi. Roberts in a huh theih dandanin huh hi" ('Gospel Centenary Tan I Tun Theihna' by Rev. Dr. Luaichinthang, Gospel Centenary Souvenir, 2010, Lamka, p12, published by EBC). Hiai in, Pathian nasepna ding in a Khasiangthou mahmah in a thuzoh mi poimoh a; huan, Pathian nasepna ah a-neu, a-niam lua chih omlou, chih hon theisak hi. I Toupa Jesu leng Bethlehem bawng inn a hong piang ahi.

Huan, Pathian thupina ahih nak leh, thil piak leng a-tawm, a-neu chih omlou hi. Nikhat Roberts in Itna-thilpiak (love gift) Pound 5 England a lawmte khat, Ms. Emily Davies kichi a'pan a mu zenzen hi. Thum kawm a ngaihsut nung in, aman huai dangka pen 'Tanchinhoih Johan' gospel tract bu 105 lei na in zang hi. Hiai Gospel tract te kim-le-kiang a damlou ki ensak/

damdawi la mite kiang ah na pe jel hi. Tua te lak a khat Senvon hausa, Kamkholun kiang tung hi. Amah a thu theithe mahmah lou ahihmanin, a nungram kawm (cover) ah hichi a gelh in khakkik hi: "Pute aw, noumau mahmah honpai unla, hiai laibu in a gen Pathian toh kisai hong hihchian un" chi in. Roberts in hiai amuh takin Paul in Macedonia sapna amuh (Nasepte 16:9) bang a ngai in, hoh teitei sawmta hi (Rev. Dr. Luaichinthang, p13, Ibid).

Huailai in, kikawmna lampi hoih omlou hi. Huan, i tenna Gam tuh gammang (jungle) sah mahmah leh gamsa (wild animal) lauhuai pipi omna ahi. Himahleh, i Bible in hiai chi hi: "Itna ah tuh launa himhim a om kei, itna kim in lauhna a delhkhe zaw jel hi" (1 Jn. 4:18). Huan, "Pathian itte, aman a seh bang a asapte a di'n, ahoihna ding un bangkim in a sepsak chiat chih i thei hi" (Rom 8:28). Huailai in, Dr. Frasers chawmna (sponsore) mu Manipur mi laizil tuailai nih, Thangkai leh Lungpau Aizawl ah om uhi. Amaute lampi-hilh (guide) makaihna toh hon khualzin in, 1910 in Watkin R. Roberts Senvon kua hong tung a, a Bible chang deihtuam, Johan 3:16 khomite mai ah simkhia a, "tu in Jesu Kris ging un" chi in chialna bawl hi. "Unau Independent Church Of India (ICI) te suidan in February 5, 1910 in Senvon tung uhi. Pu Rev. H.L. Sela sut dan in bel May 7, 1910 in Senvon tung uhi" (Rev. Dr. Luaichinthang, p13, Ibid). Hiai pen ei NEIGM nuai a Saptuam te nipi manpha leng hong hita hi. Senvon ah nipikal khat nituang in, niteng in a lim lianpi toh a thu kithuah laibu zang in Pathian thu gen uhi. Roberts in Senvon munpi a nei

in Thado-Kookie Pioneer Mission (TKPM) chih mission agency khat pankhia a, hiai pen kum 1924 in North-East India General Mission (NEIGM) chi in kikheng a, Mission headquarter leng 1930 kum in Mission Compound ah kisuan hi. Ei Saptuam hiai NEIGM gahsua khat ahi hi.

'Guite Kual' a Tanchin Hoih (Gospel) hong tun masak na pen Phaitong kua ahi. "Kum 1910 kha bullam in Aizawl a Missionary te'n Naupang vak uh chih a zak chiang in Pu Thangvang lungzuangin laisimna ding zong in a kua Phaitong nusia in Aizawl kua zuan in zinkhia hi" (Manipur a Khristian Missionary Honglutdan Tomkim, 2009, New Lamka, p22, by Upa V. Tualkhansum). A kithei tan in, Aizawl ah David E. Jones leh Dr. Peter Frasers te siamna ziak in Sap sepaih Bawrsap akvul in kha khat a Rs. 3 loh in om a, pawl 3 tan zou hi. 26 December 1914 in TKPM in Senvon ah khawmpi lian masapen nei hi (Jonathan Pudaite, p68, Ibid). "Khawmpi thupukna bangin Pu Thangvang, Evangelist Teacher dingin a la pah ua, Phaitong ah sem ngal ding chih ahi. Tua dungzuiin kum 1915 in a kua uh Phaitong ah School a hong pan ngal hi. School buk ding om nailou ahihman in amau inn ah naupang hon a kaikhawm zel a, Pathian ni chiang bang in kholai ah Pathian thu gen zel in a om hi. A nuai a School kai masapente - Pu Pausing (Pastor Laljem-pa), Pu Saihrang (Pu Singneng-pa), Pu Taivel (Pu Dr. Kamkhenthang-pa), Pu Khaizalian (Pu Khatgoulian-pa), Pu Thanghrang (Pu Piangchinkham-pa) - te khawng ahi uhi... Phaitong kua a Pathian thu-awi masa leh gingtu masapen te - Pu Nengkhat, Pu Awnthang, Pu Saihrang, Pu Pausing, Pu Taivel, Pu Thanhrang, Pu Khaizalian, Pu Thawmlian, Pu Thanglian, Pu Ngulvum - te ahi uhi. Amau toh pangkhawm in kum 1916 in BIAKIN a dinkhia uhi. Guite Kual a biak in masapen a chiamteh ahi. Hiai kua pansan in 1927 kum a Upa orden masapen Upa Nengkhat ahi" (Upa V. Tualkhansum, p. 22-23, Ibid).

"Ka pu Kamkhotang (chief of Phaitong) hon phalsakna bang in thu ka gen zom jel a, nitak chiang in ka hahgen deuh hi. Sun hun a kuamah omlou, loukuan

Toupa Na sem ni... zopna

vekzel a kihih jgak in. Pathian thu, gingtu ka zonna a ka thugen dan tuh: 'Gingtu hih kuama'n lamdang sa kei un, ipu-imate'n Pusa a neih uh, Dawi leh kau i chihte a om mah ahi. Huaite tung a om lei leh van bawlp Pathian om ahi. Mihingte leng amah bawl ahi," chi in thu ka gen hi - Evan Thangvang ('Evan Thangvang Guite Toh Houlimna,' Phaitong Gospel Centenary Souvenir, 2014, New Lamka, p19-20).

I gam ah Tanchin Hoih in masawn jel a, hiai nasepna ah siamsinna (skul) toh paikhawm hi. A kithei tan in, skul patkhiat a omte leh pat kum hiai bang ahi: Hanship (1924), Bungpilawn (1924), Palkhuang (1924), Mualnuam (1925), Sialbu (1927), Lungchin (1931), Aibulawn (1942), Hiangtam Lamka (1935), Kaihlam (1944) leh Lungthul (1950). 1920-29 sung in Manipur south district a gingtute'n kho hausa leh solkal apan soisak/bawlgentheihna tuak uhi. Manipur solkar in 'Kaihlam Tung' bial a Khristian te ten phallou in, a khente Halfong (Assam) leh Chin Hills (Burma) ah tai uhi. Akhente a inn uh hihsiat in om a, akhente sum liausak in om ua; huan, akhente vuak in leng om uhi.

"Keimah min ziak in mi tengteng huat na hi ding uh" (Lk. 21:17). Tuni in, Toupa Jesu min in bangzah vei haksatna, vuakna, gentheihna i tuak ta a? "Thutak a zakte uh im mailou a, nidanglai hindan luite - sumtawng biak, singbul-suangbul, singsia-tuisiate biak in phattuumna nei mahmah lou ahindan a hon theihpat Chiang un, Sakhua khen utna nei bang hong om thei uhi. Heutute lah a gam thu gen in tuknuai-meinuai, guam-le-tang tawn in kawleh kense lak ah zin vial vial uhi... Mi chitak leh kuhkal te jgak in Pathian gam keklet in om jel hi" (Upa V. Tualkhansum, p24, Ibid).

Tuni in, i Saptuam Evangelical Baptist Convention pen Southern Manipur a saptuam lak a lian leh ki bulpuh hoih pen khat chih theih ding hi. Skul bangzah hiam i nei a, Bible College i nei a, Semtu hunkuam leng i nei hi. I Gam banah, India gam khopi liante ah saptuam bangzah hiam inei ta hi. Huan, Mission Field hiaite inei hi: Manipur Field, Karbi Anglong Field, Himalayan (Nepal) Field, Arunachal Field leh Dhemaji Field. Huai banah, Mission agency, IEM, FMPB, etc. te toh partnership i sem thei ta uhi.

Delhi a i Saptuam ah member 1200 val i omna ah, mi bangzah Pathian Tangthupha puanzak na ding in i pangkha a? Mi kuahiam tuikia hunkhia ding in, a

khen a kai khia in i pang a, a khen a kai khia tute khut len in i na pang hi. Mission nasep ding in a mun ah va kuan kei leng le, Thumna, Hanthawanna leh Dangka in i pang thei hi.

Valnou khat tanghou (bread) phel 5 leh ngasa (fish) 2 in i Toupa Jesu khut ah mipi 5000 a vak sak hi (Jn. 6). Sap numei nu dangka pound 5 in Southern Manipur a Watkin R. Roberts tungtawn a Tanchin Hoih honglut nang kongpi (door) a honsak hi. Nang na khut a na kep thil manpha (gift) bang na loh dia? Thou ni, panla ni, TOUPA NA SEM NI!

Khrist Itna ziak... zopna.

ngaih le leng thuak ngap khop in pang hi. Pathian' lemna tanchinhoih a zasate leh zanailoute lak ah tangkoupah in, haksatna chiteng lak ah sem in a hinna dong luikhia hi. 2 Korinte 11:16-28 dong sim lehang, Khrist itna in phutluh lou hileh, thuakzoh vuallouh ding khop a haksatna a phutkhakte gen hi. Himahleh Khrist itna in sem ding a phutluh ahiman in, Khrist' tanchinhoih ading in a thuak mualsuah hi.

Khrist' Itna'n a phutluh missionarite: Tuipi gal a sapkang missionarite na ngaihtuah ngei hia? India gam hong pai a haksatna chiteng pal a gospel hong vakvaihpah William Carrey; Mzioram a tangthupha hong puak F.W. Savidge, J.H. Lorraine, D.E. Jones; Manipur gam a tangthupha hong puak William Pettigrew, Dr. P. Frazer, tangval Watkin Roberts, Dinwiddie leh adangdangte. Mission Compound a hong tenchilh a, ei bang a hong khosa a, salam leh khalam a hong pattah missionarite. Hiai mithupite na phawk ngei hia?

Kum 100 paisa hun in, amaute tu a i dinmun tan na tungkhin uhi. Gam changkangtak a khosakna nuam, galmuang leh mailam hinkhua limchitak mai toh, amau innmun leh gam a Pathian' nna sem theite ahi uhi. Kuama'n thupiak khauhtak a piak zong ahikei uh. Himahleh, amau phutluh-tu Khrist itna in, tuipi gallam pek, gamkilkawm lak a zu leh va bang a khosa eite' lak hon sawltung hi.

Nat-le-sat gentheihna chiteng pal in, salam a lamet ding bangmah omlouhna na gam manoh in, lunglel a kikmai dia hoihzaw hileh kilawm hun tampi tuak mahle uh hong pai teitei uhi. Hebru laikhaktu'n, "a pawtsansa uh gam lunggulh hile uh bel, kikna ding hunlem a mu mahmah ding uh" (Heb. 11:15) a chih bang hon phawksak hi. Himahleh sulhei mailou in, tanchinhoih khuavak hong puak uh a, a lubuuk uh hong phum dong uh, a sem uhi.

KIPAHTHU GENNA

Pa P. Lalbiaklian te innkuan te'n itna thilpiak in Rs 3000/- BCD committee te kiangah hon pia uh a, amau innkuan tung ah kipahtu ka gen uh ahi.

Pa P. Lalbiaklian te innkuan ahiehleh apaisa 28th April a Delhi nusua in Lamka lam a khosa dia hon paisan ua, Toupa'n a ma uh pi i deihsak hi. Pathian in hiai itna thilpiak manphataka zat ahiehtheihna dia hon vualzawl sak ding ka thumna uh ahi.

~Secretary, TBCD

Khrist itna'n a phutluh i gam a khristian masate: A naipen a gen in, Pu Thangvang Guite, tanchinhoih ziak a khosung a teng theilou a hun sawttak a thuakdante; kuamah sawl hilou napi a, itna toh a mite lai ana hilhdante – kumkhat a kha guk sung lai hilh, kha guk dangteng Pathian thu sinsak; Tuabang zel in, Guite kual a khristian suak masate'n haksatna tampi mahmah ana phutkhakte uh. Tuate ziak a lunglel mailou a, saptuam dinkhia a na hum dante uh. Hiai bangteng a semsak leh thuak mualsuhsaktu bang hiding ahia? Khrist itna in amaute ana phutluh ahi hi.

Khrist itna in nang hon phutluh kha hia?

Khrist itna tang in a hotdamna ka ngahta, na chi hi. Tanchinhoih ziak a dopsang a om kahi na chihlai in, tanchinhoih nasepna ah bang lam a kizang ding in, Khrist itna in nang a hon phutluh a? Nang utna leh nopsakna dan tan a hing na hi hia? Khrist deihbang ahinnak thuakna ah zong pang teitei a, tanchinhoih hinpih mi na hi hia? Nang utziak himasalou napi a, Khrist itna in hon phutluh tuntun ziak a Amah deihdante semzel mipa/minu hin na kithei hia? Tutung Missionary Day in, Khrist itna hon muchiansak thak henla, veina leh awlmohna thak hon guan chiat hen aw!

BCD: May 12 in BCD in Mipi Biakna kikhop ah Speical items lahna nei dia, huaizoh in Devotion leh Mothers' Day Prog zang pan ding hi. Htp Jam Chin Lam piitu hi dia; Ruth Mawibiakdik, Inter in Bible sim in patna thumna nei ding. 'Ka Nu (Mother's Day Spl)' om dia, huai ah Sinsaktu numeite (2 min chiat/ 5 points) genna nei ding uh. Thilpiak lantu Htn Chingliankim hi ding. Pawl kikhena a om kei ding. Devotion zoh in Music Club Lasinna om ding.



BAPTIST DORCAS FELLOWSHIP, EBCC DELHI SILVER JUBILEE LOPNA [1994-2019] LEH DORCAS DAY PROGRAMME



THUPI: THILPIAK LEH NASEPHOIH A BIAKNA
(Nas. 9:36 - 41)

SILVER JUBILEE LOPNA PROGRAMME MAY 11, 2019 [KIGINNI]

AMUN: EBCC DELHI, BIAKINN

HUN KHATNA | 10:30 AM - 01:00 PM

Hunzeektu: Nu Niang Manlian | **Gelhluttu:** Nu Chiinmuanching

- ❖ Patna thumna : Pastor H. Biakson, Adviser TBDFC
- ❖ Halleluia Lapawl : BYF, EBCC Delhi
- ❖ Biakna & Phatna : Lapitute' makaih in
- ❖ Vaidawn Thugen : Nu Mankhodim, President, TBDF
- ❖ Jubilee Lapawlpi : TBDF, EBCC DELHI
- ❖ Jubilee Thupuak : Nu Chhungi, 1st President TBDF
- ❖ Chialtuam te hun : ZCF Delhi, Ladies Department
- ❖ Jubilee Message : Rev. Paukhanmang Guite, General Secretary, EBCC Hqtrs.
- ❖ Chialtuam te hun : CBA Delhi, Local Baptist Women Society
- ❖ Jubilee Tongdam : Upa G. Damsawmthang, 1st Adviser TBDF
- ❖ Chialtuam te hun : TBDF, EBCC Central Delhi
- ❖ Biakna & Phatna : Lapitute' makaih in
- ❖ Ankuanglatna & Vualzawlina : Pastor H. Thangchinkhup

HUN NIHNA | 02:00 PM - 05:00 PM

Hunzeektu: Nu Grace Don Nemching | **Gelhluttu:** Nu Lianbiakching

- ❖ Biakna & Phatna : Lapitute' makaih in
- ❖ BDF-Tuma & Tuhun : TBDF Delhi (Media Show)
- ❖ Jubilee Lapawl : TBDF Delhi
- ❖ Jubilee Thukup : President masate apan
- ❖ Jubilee Nute' hun : Jerusalem Bial
- ❖ Chialtuamte hun : ZCF Delhi, Ladies Deptt
- ❖ Chialtuam te hun : ZCF Delhi, Ladies Deptt
- ❖ Pahtawina hun : TBDF Makai-te
- ❖ Kipahthu Genna : Nu Chinglian, Asst. Secretary, TBDFC-D
- ❖ Biakna & Phatna : Lapitute' makaih in
- ❖ Vualzawlina & Hunkhakna : Pastor Thuamminlian Guite

DORCAS DAY & NUTE' NI LOPNA PROGRAMME MAY 12, 2019 [PATHIANNI]

AMUN: EBCC DELHI, BIAKINN

AHUN | 10:30 AM - 01:00 PM

Hunzeektu: Nu Ruth Ngaihlan | **Gelhluttu:** Nu Monica Thianmawi

- ❖ Biakna hun Patna : Pastor H. Biakson
- ❖ Biakna leh Phatna : Lapitute' makaih in
- ❖ Thilpiak latna : Upa L Ngulminthang, Chairman, TBSUC
- ❖ Dorca's Day/ Nute' ni thupuak : Nu Chingngaihlian, Vice President, TBDFC
- ❖ Chialtuam te hun : TBSUC, TBDC, TBYP
- ❖ Nute' Ni Message & Nute' adia thumsakna : Rev. Paukhanmang Guite, General Secretary, EBC HQ
- ❖ Dorca Lapawlpi : TBDF Delhi
- ❖ Pahtakna leh kipahpihna' thilpiak hawmna : Nu Niangliananching, Finance Secretary, TBDFC
- ❖ Kipahthu genna : Nu Roui Guite, Secretary, TBDFC
- ❖ Biakna leh phatna : Lapitute' makaih in
- ❖ Hunkhakna : Upa Thiankhanmuan, Secretary, TBSUC

JUBILEE THUKUP GENDING

PRESIDENT MASA TE

Nu Chhungi	Nu Telkhozang
Nu Pari	Nu Ngemkhozam
Nu Haumuankim	Nu Chingnu Ngaihte
Nu Mankhodim	

SECRETARY MASA TE

Nu Chinglian	Nu Hauzavung,
Nu Melody Lian	Nu Chingngaihlian,
Nu Niangzaching	

MOHPUAKNA

LAPITU DINGTE

Nu Lianlunching
Nu Ching Lydia
Nu Thianpiak
Nu Neihkim
Nu Luni Munluah

Nu Chingboi Vualnam

Nu Florence Sonkim

ENKAITUTE

Nu Biakmawi
Nu Nemkhanmawi
Nu Chinglian Guite

MUSICIAN DINGTE

Pa Lalboi Guite
Pa Siamkhum
Ng Sylvia Sanmawi

USHERS/TUANVAI DING TE

Vungroukim - Leader
Chingbiaklian
Chingmuanniang
Goubiakching

Niangsuanching

Chiinthianmawi

Margaret Chinlunkim

Siamngaihsang